

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2229 del 18/08/2021

Traduzione in ladino

Cordanza anter Trentino Digitale e Consorzie di Comuns per la digitalisazion e l'inovazion di enc locai

Consorzie di Comuns trentins e Trentino Digitale i à sotscrit ai 11 de aost na cordanza storica per la digitalisazion e l'inovazion de la Aministrazion Publica locala. La doi sozietèdes les lurarà dessema, desche rei de firmes, per la digitalisazion, l'inovazion e la trasformazion di Comuns e l svilup di servijes neves a favor di sentadins e de la firmes. La cordanza ge dèsc sù al Consorzie di Comuns la encèria de coleament e de cordenament co la aministratzions dal post, enveze Trentino Digitale gestirà diretementer la produzion e la gestion di servijes It e donca, de la ativitèdes co la 166 aministratzions dal post. I setores de attività i sarà desvalives: dai sistemes de paament per dèr fora i ac o zertificazions, a la digitalisazion di prozedimenc. La doi sozietèdes les se dèsc jùjà anchecondì te na azion a una e dessema co la Provinzia , aldò de na scomenzadiva a valer sul Fon nazionèl per l'Inovazion, per la realisazion e l sparpagnament, fora per duc i Comuns a na vida pervaliva, sun dut l tegnir de la Provinzia, de servijes digitèi neves a la leta di sentadins, a chi che se pel apede tras SPID, co la APP IO e col sistem de paament PA.

La cordanza sotscrita anché la perveit na seconda neva emportanta, che fossa la creazion de na area spezifica "Azions Enc Locai" te Trentino Digitale, deldut dedichèda ai Comuns che, a una coi obietives del contrat de rei, l'arà doi logamenc a Trent: un aló da Trentino Digitale e un aló dal Consorzie di Comuns.

La neva area sarà en dut e per dut l pont de referiment per la programazion e la metuda en doura di intervenc coleé col percors de inovazion tecnologica e de passaje digitèl di Comuns trentins.

La strutura metarà en esser l'endrez stabilì dal Comitat de gestion, la sporjarà didament strategich e operativ ai medemi Comuns en cont de la digitalisazion, inovazion e trasformazion per arjonjer i obietives e i oblighes de la Ajenda Digitèla, estra che – l'é scrit te la cordanza – per meter en doura i principies prinzipièi del Pian di trei egn per l'informatica te la Aministrazion Publica 2020-2022.

L'area dedichèda ai Comuns dezidarà la arees de intervent, e i servijes coleé per didèr l prozediment de trasformazion digitèla di medemi enc locai.

L setor de attività de la cordanza l vegn confermà da l'assessorat provinzièl al Svilup Economich, aldò de chel che Trentino Digitale e Consorzie di Comuns i se cruziarà del control, de la regoeta e de l'endrez de la spetadives e di besegnes di Comuns, en cont de servijes digitèi e de didament per la digitalisazion di medemi enc e del teritorie.

L'aleanza strategica engaissarà la promozion de projec e neves servijes coleé, a una co la Provinzia autonoma de Trent, estra che valorisèr la competenzes e la manscions del Consorzie di Comuns e de Trentino Digitale, avisa te la azions coleèdes de svilup de la relazions co la aministratzions e la Comunitèdes de Val.

Alò dal Consorzie di Comuns vegnarà metù sù l “Portel de l’informazion” desche pont de referiment per segnalazions e domanes che revèrda la digitalisazion e la scomenzadives sul teritorie.

La doi sozietèdes les cognarà troèr fora e meter jù na mapa di servijes de conetività che l’è a la leta, troan fora calità e corespondenza ai besegnes di teritories di comuns, ma soraldut vegnarà endrezà n lurier per realisèr e gestir i sevijes digitèi e aplicatives e per formèr l personal di Comuns.

Trentino Digitale e Consorzie di Comuns i arsegurarà al teritorie pervalivanza de strategies, didan i Comuns te la cernies de gestion e teconologiches per tor pèrt a scomenzadives provinzièles e nazionèles dintornvìa la strategies de trasformazion digitèla de la Provinzia autonoma de Trent.

La doi sozietèdes jà anchecondì les laora a a una co la Provinzia, per meter a jir na scomenzadiva nazionèla per l passaje digitèl, per la realisazion e l sparpagnament, te duc i Comuns, de diesc servijes neves digitèi, a na vida pervaliva sun dut l tegnir de la Provinzia e a favor di sentadins.

Traduzion di Servijes Linguistics e Culturèi del Comun general de Fascia (Traduzione a cura dei Servizi Linguistici e culturali del Comun general de Fascia)

(cdt)